

SARS yi amukela ahlulo mayelana na Ttn Lucky Montana

17 Nhlangua 2025 – Vukorhokeri bya Xibalo bya Afrika-Dzonga (SARS) byi amukela ahlulo wa kahle lowu nyikiweke hi ti 17 Nhlangua 2025 hi Khotokulu ya Afrika-Dzonga, Gauteng (kheyisi nomboro 2023-047735). Xiboho lexi xo tile tanihi mbuyelo wa xikombelo lexi tisiweke hi SARS eka ntekelo wa tinhundzu ta Ttn Tshepo Lucky Montana.

Hi ti 5 Khotavuxika, Ttn Montana u fayirile xitiviso xa gozanawu na afidavhiti yo seketela yo lava ntsetselelo eka rhumelo lowu hlweleke wa afidavhiti ya yena yo hlamula eka mafambiselo ya ntekelo wa tinhundzu. Endzhaku ka sweswo, hi ti 14 Mhawuri 2024, SARS yi yisile xikombelo xo susa, hi ku ya hi Nawu wa 6(5) wa Milawu yo Fana ya Khoto, eka xiyimo xa leswaku afidavhiti yo tiyisisa ya Ttn Montana yi na swihehlo swo khomisa tingana, swo nyenyetsa no ka swi nga twali.

Hi ti 21 Mawuwani 2015, khoto yi tlhele yi pfumelela xikombelo xa SARS xo susa no bakanyela etlhelo xikombelo xa ntsetselelo xa Ttn Montana na byarhiso wa tihakelo. Ttn Montana kwalaho u endlile xikombelo xa mpfumelelo wo aphila ehenhla ka ahlulo lowu. Mhaka yi twiwile hi ti 17 Nhlangua 2025 naswona xikombelo xa mpfumelelo wo aphila ehenhla ka ahlulo xi bakanyeriwe etlhelo na byarhiso wa tihakelo.

Xikongomelo xa qhinga xa SARS i ku hlayisa ndhavuko wa vulandzelelanawu hi ntsakelo. Ku fikela sweswi, nhlanguano wu nyika nhlamuselo na ntiyisiso eka vahakelaxibalo mayelana na swiboho swa vona swa xinawu no ya emahlweni yi endla swi olova no rhelela ku landzelerisa hi ku tirhisa tipulatifomo ta ximodeni no kotisa xidijitali. Hi ku hambana, SARS yi tiyisisa leswaku nkavulandzelelanawu byi nonoha no durha eka vahakelaxibalo lava hlawulaka hi vomu ku honisa vutihlamuleri bya vona bya xibalo.

Ku angula eka mhaka, Khomixinara wa SARS Edward Kieswetter, u te: "SARS yi tekela enhlokweni leswaku vahakelaxibalo vo tala va tshembekile naswona va tiyimiserile ku endla leswi lulameke hi ku fikelela swiboho swa vona swa ntsariso, ku fayila na hakelo. Hi ku landza xileriso xa SARS xo hlengeleta xibalo hinkwaxo lexi kolotiwaka nkwama, hi ta endla hinkwaswo leswi pfumeleriweke hi nawu ku phakela ku tiyimisela koko. Hi ku endla tano, SARS yi ta ya emahlweni yi hlayisa no hlonipha mfanelo ya vahakelaxibalo yo valanga no tirhisa timfanelo ta vona leti tiyisisiweke hi vumbiwa ku tshunelela tikhoto ku lava xitshunxo xihi na xihi lexi va xi tsakelaka. SARS yi tshemba leswaku maAfrika-Dzonga hinkwawo ma ringana emahlweni ka nawu, naswona nhlanguano wu lerisiwile hi nawu ku sindzisa swipimelo swa yona handle ka nchavo, ntsakelo kumbe ringhohe."

SARS yi nge nyiki nkanelo wihi na wihi wo engetelela mayelana na mhaka leyi.

Mayelana na swivutiso swa vuhangasamahungu hi xitalo, u komberiwa ku
tihlanganisa na: SARSMedia@sars.gov.za.

MAKUMU